



ՎԵՐԱՊԱՏՐԱՍՏՎՈՂ ՈՒՍՈՒՑՉԻ

ՀԵՏԱԶՈՏԱԿԱՆ ԱՇԽԱՏԱՆՔ

Հետազոտության թեման՝ ուսուցչի կողմից երեխաների ուսումնառության ընթացքում
նկատված կրթական կարիքների բացահայտում

Հետազոտող ուսուցիչ՝ Ա. Մադոյան

ՀՀ Արմավիրի մարզի Նորապատի միջնակարգ դպրոց

Մենթոր ուսուցիչ՝ Լ. Չալյան

ԱՐՄԱՎԻՐ-2023

ԲՈՎԱՆԴԱԿՈՒԹՅՈՒՆ

1. Նախաբան	3 էջ
2. Հետազոտության ընթացք	4 էջ
3. Եզրակացություն	14 էջ
4. Գրականության ցանկ	15 էջ

Նախաբան

Աշխարհում երեխաները տարբեր են, դա բնական է, և այդ տարբերություններն էլ ցանկացած հասարակություն դարձնում է ավելի հարուստ և բազմազան, հետևաբար, այն պետք է իր արտացոլումն ունենա նաև դպրոցում: Դպրոցները պետք է ապահովեն բոլոր երեխաների մասնակցությունը՝ աշակերտական միջոցառումներին, միջանձնյա փոխհարաբերություններ ամրապնդող խմբակներին, օգտագործելով տարբեր մոտեցումներ ու հնարներ: Երեխաների դժվարությունները կրթության մեջ կարող են շատ տարբեր լինել: Օրինակ նրանք կարող են դժվարություններ ունենալ կարդալիս, գրելիս, թվերի հետ աշխատելիս կամ շրջապատող մարդկանց հետ հաղորդակցվելիս, որի համար նրանց պետք է օգնել՝ լրացուցիչ աջակցելով և համագործակցաբար աշխատելով ծնողների հետ: Երեխաների մի խմբի համար այդ դժվարությունները կարող են պայմանավորված լինեն հաշմանդամությամբ, որը հանրակրթական ծրագրերի յուրացումը դարձնում է ավելի բարդ: Որոշների համար ժամանակավոր են, որոշների համար էլ մշտական այդ դժվարությունները:

Ըստ այդմ կրթական կարիքները մենք կառանձնացնենք մի քանի խմբերի աշխակերտների համար: Օրինակ ովքեր չեն համարվում ԿԱՊԿՈՒ սովորողներ և հակառակը:

Ցանկացած աշխակերտ մուտք գործելով դպրոց ունի կրթությունն ապահովվող կարիքներ՝ նայած թե ինչ տարիքում է նա գտնվում և ինչ միջավայրում է նա դաստիարակվել: Դրանց նմանությունները, տարբերությունները, առանձնահատկությունները կդիտարկենք հետագոտական աշխատանքի ընթացքում:

Հետազոտության ընթացքը

Արժեքային համակարգ ձևավորելու և դասապրոցեսը հարստացնելու նպատակով կարևորվում է աշակերտի կրթական կարիքների բացահայտումը, որպեսզի դասնանցնի նպատակային և արդյունավետ:

Մենք պետք է ձգտենք օգնել ծնողներին, շուտ բացահայտել և աջակցել երեխաներին, որոնք ունեն ուսումնական ծրագրերի ճիշտ պլանավորման, միջավայրային հարմարեցումների և անհրաժեշտ մասնագիտական ծառայությունների տրամադրման: Կրթության մատչելիությունն ու հասանելիությունն, որպես հասարակության զարգացման ու առաջընթացի հիմնական միջոց, ամրագրվել են դեռևս 1990- ականներին, երբ ՄԱԿ- ի և ՅՈՒՆԵՍԿՕ- ի անդամ երկրների կողմից ՏԿրթությունը բոլորի համար հռչակագիրը:

Համաձայն այս հռչակագրի, կրթական այս ծրագրերը կիրականացվեն՝ հաշվի առնելով այդ առանձնահատկությունները: Օրինակ 2010 թվականին տեղի ունեցավ Հայաստանի կողմից հաշմանդամություն ունեցող անձանց իրավունքների մասին ՄԱԿ- ի կոնվենցիայի վավերացումը և 2015թվականի վավերացումը , մասնավորապես կայուն զարգացման օրակարգի և նպատակների ընդունումը ՀՀ կողմից որոնք էլ ավելի ամրապնդեցին հատուկ կրթության համակարգի բարեփոխումները երկրում:

ՀՀ-ն ազգայնացրել է , դրանով իսկ ստանձնելով միջազգային պարտավորություններ ապահովվելու դրանց գործունեությունը և պարբերաբար հաշվետվողականությունը : Այս հռչակագրի միջոցով պարտավորվում են ցանկացած աշակերտի համար դպրոցում ստեղծել այնպիսի ուսումնական և կրթական միջավայր, որ աշակերտը որևէ բանի կարիք չունենա կրթվելու և զարգանալու համար:

Կրթության առանձնահատուկ պայմանների կարիք ունեցող երեխաների հասարակության մեջ ներառման գործընթացը կախված է այդ երեխաների նկատմամբ հասարակության վերաբերմունքից, նրանց կյանքի և առանձնահատկությունների մասին շրջապատողների մասին տեղեկացվածությունից: Որոշիչ է այն հարցը թե ինչպես է առանձին վերցրած յուրաքանչյուր աշակերտի համար ապահովվում , որ այդ նա ստանա իր կարողությունների և կարիքներին համապատասխան որոկյալ կրթություն: Պետք է գնահատել անհատի ընդունակությունները, կարողությունները, հետաքրքրությունները և դժվարությունները:

Կրթության առանձնահատուկ պայմանների կարիքի գնահատումը երեխայի զարգացման տարբեր փուլերում նրա մասին բազմաբնույթ տեղեկությունների հավաքագրման ու սովյալների համակարգման գործընթաց է, որն իրականացվում է երեխայի միջավայրում՝ ապահովելու ուսման ճիշտ պլանավորումը, անհրաժեշտ մասնագիտական ծառայությունների և միջավայրային հարմարվողականության ստեղծումը :

Կրթության առանձնահատուկ պայմաններ

Երեխայի հանրակրթական հիմնական ծրագրի յուրացմանը նպատակաուղղված առարկայական ծրագրերին և ուսուցման մեթոդների , ուսուցման անհատական տեխնիկական միջոցների հարմարեցված միջավայրի , ինչպես նաև ^a մանկավարժական , սոցիալական և այլն:

Առանձնահատուկ պայմանների կարիք ունեցող երեխաներ

Ուսուցման հետ դժվարություններ այդ թվում՝ զարգացման կամ մտավոր առանձնահատկություններ ունեցող երեխա, որի կողմից հանրակրթական ծրագրերի յուրացման համար անհրաժեշտ են հատուկ պայմաններ:

Մանկավարժահոգեբանական աջակցության ծառայություն

Ուսումնամեթոդական, հոգեբանական և մանկավարժական աջակցություն, որը ցուցաբերվում է սովորող երեխային , նրա ծնողին և մանկավարժական աշխատողին:

Մանկավարժահոգեբանական աջակցության կենտրոն

Երեխայի կրթության առանձնահատուկ պայմանների գնահատումը կրթությանն աջակցող Մանկավարժահոգեբանական և այլ օժանդակող ծառայությունների մատուցող ծառայություն:

Կրթության առանձնահատուկ պայմանների կարիքի գնահատում

Կրթական ծրագրերի մասնակցության դիտարկման , երեխայի զարգացման հնարավորությունների բացահայտման և կրթության առանձնահատուկ անհրաժեշտ պայմանների սահմանման գործընթացի անհրաժեշտություն:

Ֆինանսավորման բարձրացման չափաքանակ

ՀՀ կառավարության կողմից սահմանված ֆինանսի չափը , որն անհրաժեշտ է ԿԱՊԿՈՒ- ի համար:

. Անհատական ուսուցման պլան

Հանրակրթության պետական առարկայական չափորոշիչների , ծրագրերի և երեխայի կրթության առանձնահատուկ պայմանների կարիքի հիման վրա կազմած փաստաթուղթ որը սահմանում է երեխայի կրթության կամակերպման տարեկան նպատակը խնդիրները և դրանց գոնծողությունները:

Կանխարգելիչ միջամտությունների պլան

- երեխայի կրթության առանձնահատուկ պայմանների կարիքի հիման վրա կազմված փաստաթուղթը, որը կխսամյակային կտրվածքով սահմանում է երեխայի կրթության կազմակերպման անհրաժեշտ ծառայությունների տրամադրման և միջավայրային հարմարեցումների վերաբերյալ գործողությունները (նպատակներ, այլ նպատակը տանող քայլեր, դասավանդման մեթոդներ, տեղի և դասասենայիկի հարմարեցումներ, ժամանակի կազմակերպում և այլն):

Կրթության կազմակերպման մանկավարժահոգեբանական աջակցության ծառայությունների մասն է կազմում առանձնահատուկ պայմանների կարիքի գնահատումը, որն իրականացվում է երեխայի կրթության առանձնահատուկ պայմանների սահմանաման համար:

ՏՀանրակրթության մասին ՀՀ օրենք , մաս 1, 10.1 կետ: ©UNICEF Armenia/2018/Osipova 9
Երեխայի կրթության առանձնահատուկ պայմանների կարիքի գնահատումն իրականացվում է մանկավարժահոգեբանական գնահատման չափանիշներին համապատասխան և նպատակ ունի ստանալու

1. - երեխայի կրթության առանձնահատուկ պայմաններ ապահովելով ծրագրային , մեթոդական և այլ միջավայրային անհրաժեշտ հարմարեցումներ:
2. ՀՀ օրենքով սահմանված կարգով և դեպքերում ֆինանսավորման բարձրացված չափաքանակ տրամադրելու հիմքերը
3. մանկավարժահոգեբանական աջակցության ծառայությունների մակարդակը, ծավալները և տևողությունը:

Երեխայի գնահատման գործընթացն իրականացնում է կրթական յուրաքանչյուր աստիճանի առաջին տարում (առաջին, հինգերորդ և տասներորդ դասարաններում)ինչպես նաև երբ երեխայի մոտ ուսումնառության ընթացքում, արտակարգ իրավիճակներով պայմանավորված , նկատվում են կայուն դժվարություններ :

Գնահատումն իրականացվում է 2 փուլով.

1. դպրոցական գնահատում, որն իրականացվում է հաստատության ուսուցիչների մանկավարժահոգեբանական աջակցության ծառայությունների խմբի կողմից բացահայտելու

կրթության գործընթացում երեխայի արդյունավետ մասնակցության սահմանափակումները, դրանց առընչվող միջավայրային խոչընդոտող գործոնները և դրանց հաղթահարման խթանիչ գործոնները:

2. Տարածային մակարդակի գնահատում, որն իրականացվում է տարածքային մանկավարժահոգեբանական աջակցության ծառայությունների կենտրոնի կողմից՝ որոշելու երեխայի մոտ այս կամ այն ֆունկցիայի խանգարման աստիճանը, և պայմանավորված՝ ԿԱՊԿՈՒ-ի կարիքը: Վկայագրված երեխայի առաջընթացը կամ հետընթացը գնահատելու համար յուրաքանչյուր տարի իրականացվում է վերագնահատում տարածքային մանկավարժահոգեբանական աջակցության ծառայությունների խմբի կողմից դպրոցի մանկավարժահոգեբանական աջակցության ծառայությունների խմբի հետ համատեղ: Որպես դիտարկում իրականացնող գլխավոր անձ համագործակցելով դպրոցի մանկավարժահոգեբանական աջակցության ծառայությունների խմբի հետ, դասավանդող այլ ուսուցիչների և աշխակերտի ծնողների հետ, ուսուցիչը որոշակի ժամանակահատվածում, դիտարկման մեթոդի միջոցով, հավաքագրում է համապատասխան տեղեկություններ երեխայի կարողությունների, հետաքրքրությունների, անձնային որակների, կարիքների ու դժվարությունների, ուժեղ կողմերի, հասակակիցների հետ փոխհարաբերությունների և այլի մասին: Երեխայի հնարավորությունների մասին, կարիքների և զարգացման առկա մակարդակի դիտարկումը շատ կարևոր է նրա հետագա ուսումնառությունը պլանավորելու և կազմակերպելու համար: Գնահատման այս փուլը, կատարվում է երեխայի ուսուցիչների մանկավարժահոգեբանական աջակցության ծառայությունների աշխատողների կողմից դիտարկման արդյունքների ուսումնասիրության ու վերլուծության համար:

Եթե երեխայի դպրոցական մակարդակի գնահատման արդյունքների վերլուծությունը չի խանգարում երեխայի մոտ որևէ ֆունկցիայի խանգարման բայց երեխան մի քանի ոլորտներում ունի թեթև դժվարություններ, ապա մանկավարժահոգեբանական աջակցության ծառայությունների խումբը մշակում է «կանխարգելիչ միջոցառումների պլան»՝ կիսամյակի կտրվածքով ծառայությունների տրամադրման և միջավայրային

հարմարեցումների վերաբերյալ (նպատակներ և դեպի այդ նպատակները տանող քայլեր, դասավանդման մեթոդներ, տեղի և դասաենյակի վերադասավորումներ, ժամանակի կազմակերպում և այլն):

Կարևոր է, որ ուսուցիչը կամ մանկավարժահոգեբանական աջակցության ծառայությունների խումբը դիտարկման արդյունքում կարողանա պարզել թե երեխան գնահատման գործիքի, որ ոլորտներում ունի դժվարություն:

Դպրոցների համար նախատեսված երեխայի գործունեության գնահատումը բաղկացած է

հետևյալ բաժիններից՝

1. Ըմբռնել հրահանգները և հետևել դրանց
2. Հարմարեցման կարողություն
3. Մասնակցելու և ակտիվ լինելու շահագրգռվածություն
4. Փոխհարաբերությունները հասակակաիցների հետ

Վերոնշյալ հատկանիշները առավել հանդիպում են աուտիզմով տառախող երեխաների մոտ: Նրանց հետ առավել հարմարվող և քնքուշ պետք է լինի ուսուցիչը: Երբեմն էլ հանդիպում են նրանց մտավոր գերունակություններ ունեցող տաղանդավոր տեսակները, ուստի ուսուցիչը այնքան հմուտ պետք է լինի, որ կարողանա բացահայտել դրանք:



5. Ինքնասպասարկում

6. Տեղաշարժման խնդիր

7. Դաստակի և ձեռքերի դժվար գործածում

Այս խնդիրները հատկապես դրսևորվում են ֆիզիկական տկարություն և հաշմանդամություն ունեցող աշակերտների մոտ: Այս դեպքում, օրինակ ուսուցիչը դասապրոցեսի ընթացքում պետք է մոտենա նրանց, հանձնարարի այնպիսի առաջադրանքներ, որ տեղում կարողանան կատարել, առանց գրատախտակի օգտագործման, սակայն, դա պետք է արվի այնքան նրբորեն, որպեսզի դրանից չիջնի աշակերտի ինքնագնահատականը սեփական անձի նկատմամբ:



8. Ուշադրություն

9. Հիշողություն

10. Հաղորդակցում

11. Ընտրություն կատարելու կարողություն

12. Կարդալու կարողություն

13. Գրելու կարողություն

Այս խնդիրը առավել դրսևորվում է կուրությամբ կամ թույլ տեսողությամբ տառապող աշակերտների մոտ, նրանց շատ օգնում է հաստուկ նշագրերը, որոնցից իրենք օգտվում են,

սայկայն դժվարությունն այն , որ դա անհասկանալի է ուսուցչի համար, քանզի հատուկ մասնագետներն են տիրապետում այդ գրերին: Ուսուցչին մնում է միայն թելադրելու միջոցով նյութը հասանելի դարձնել աշակերտին:

15. Խոսելու կարողություն

16. Մեքենայով փոխադրվելու

17. Վարքի կառավարում

18. Կողմնորոշում

19. Ապահովության դատողություն

Նշվածները առավել դրսևորվում են այն երեխաների մոտ , ովքեր ունեն մտավոր հետամնացության խնդիր: Թերևս այս խմբի աշակերտների հետ ամենից դժվարն է աշխատելը, նրանց կրթական կարիքները բավարարելը երբեմն թվում է անհնարին:



Մրանցից յուրաքանչյուրը կարիքներ են, որ ուսուցիչը պետք է մտածի և ելքեր փնտրի դասապրոցեսի ընթացքում աշակերտի հետ դժվարություններն հաղթահարելու և կրթական արդյունք ցուցաբերելու համար: Օգտագործում ենք տարբեր գործիքներ:

Եթե գործիքի կիրառման արդյունքը հանգում է լիակատար կամ ձևավորող ինքնուրույնության մակարդակին , ապա ոլորտում երեխան հավելյալ աջակցության կարիք չունի : Եթե գործիքի կիրառման արդյունքը հանգում է վերահսկողության սահմանին , ապա արդյունքների գնահատման սանդղակում X նշանով տրվում է համապատասխան սյունյակը: Այս դեպքում հավելյալ աջակցություն չի պահանջում, սակայն երեխան գտնվում է ուսուցչի հսկողության ներքո: Համարվում է, որ տվյալ ոլորտում երեխան , ունի աջակցության կարիք, թեթև աջակցությունների, միջին աջակցությունների, մեծ հաճախականությամբ աջակցությունների կամ ամբողջական աջակցության ` ըստ աստիճանի:

Կրթությանն ուղղված մի շարք կարևոր ձևեր կան, որոնք շատ օգնում են դասընթացն առավել

հետաքրքիր և լեցուն անցկացնելաու համար:

Ակնհայտ իրողություն է, որ դասարանում տարածությունը կարծես բաժանվում է երկու մասի՝ առջևի գոտի և ետին գոտի: Առջևի գոտին սովորելու համար ավելի նպաստավոր է, քանի որ այնտեղ սովորողների՝ ուսուցման գործընթացին ներգրավվելու հնարավորությունները շատ են: Նրանք չեն կարող դասից շեղվել, զբաղվել այլ գործունեությամբ կամ զրուցել: Ետին գոտին պակաս նպաստավոր է, քանի որ այնտեղ կարող է աղմուկ լինել, սովորողները երբեմն չեն ցանկանում կենտրոնանալ դասին և շեղվում են: Հետևաբար, ողջ դասարանում արդյունավետություն ապահովելու համար ուսուցիչը պետք կարողանա համադրել բոլոր վերոնշյալ մեթոդներն ու սկզբունքները և գիտակցի դրանց կիրառման առաջնահերթությունը՝ բազմաթիվ մանկավարժական, կրթական, սոցիալ հոգեբանական և այլ գործոնների հաշվառմամբ: Հաջորդիվ ներկայացնում խմբային աշխատանքի օրինակներ, որոնք արդյունավետ կլինեն իրականացնել դասի թեմայի կիրառմամբ.

Նախագիծ - Խմբային աշխատանքի այս տարբերակը ենթադրում է առավել համակարգված նախապատրաստում և իրականացում: Կարելի է ընտրել որևէ արդիական թեմա, օրինակ՝ «Շրջակա միջավայրը» - խմբի անդամներին հանձնարարել՝ հավաքել այդ թեմային վերաբերող բազմատեսակ նյութեր, տեղեկություններ: Առաջին ենթախումբը կարող է գտնել կանաչ գոտու վերարտադրման և ոչնչացման վերաբերյալ նյութեր, երկրորդը՝ ջրի աղտոտման և խնայողաբար օգտագործման, երրորդը՝ հավաքել-առանձնացնել թեմային վերաբերող կարևոր փաստերը, չորրորդը՝ կազմել պրեզենտացիա, հինգերորդը՝ պրոյեկտորի օգնությամբ ներկայացնել ողջ նյութը, և այսպես շարունակ: Նմանատիպ հանձնարարությունները նպաստում են և՛ ընկալողական, և՛ վերարտադրողական կարողությունների զարգացմանը: Սակայն չպետք է մոռանալ, որ նախագիծը հաջողված է, երբ սովորողների լեզվահաղորդակցական կարողությունները բավարար ձևավորված են, հակառակ պարագայում այս մեթոդը պարզապես կձախողվի:

Հարցազրույց - Այս մեթոդն արդյունավետ է ուսուցման բոլոր փուլերում: Բնականաբար, առավել ցածր մակարդակներում հարցերն ավելի պարզ ու մատչելի են, օրինակ հարցնել Հայաստանի քաղաքների մասին: Բարձր մակարդակներում տրվում են ավելի բարդ հարցեր, որոնց պատասխանները ներառում են նաև կարծիքի, տեսակետի արտահայտում, մտքերի փոխանակում, համաձայնում, հակադրում և այլն: Օրինակ բացատրել, թե ինչու և ինչ պայամաններում է ջուրը երկրի վրա հնդիպում երեք տարբեր վիճակներում (ջրի շրջապտույտը բնության մեջ):

Մտազրոհ - Այս մեթոդը սովորաբար կիրառվում է սովորողներին խոսքային փոխներգործությանը նախապատրաստելու համար: Նախքան տեքստն ընթերցելը քննարկվում են որոշ թեմաներ, կարծիքներ արտահայտվում և այլն: Օրինակ՝ եթե ներկայացվում է որևէ թեմա, օրինակ՝

Մասունցի Դավիթ Էպոսը , այդ դրա վերլուծությունը և կերպարների ուսումնասիրությունը պետք է կատարվի մի քանի եղանակներով ա)Համեմատական մեթոդով , բ)Ժխտական մեթոդ, գ)Էտալոնային մեթոդ, դ)պատմամշակութային ակնարկ և այլն:

Կարծիքների փոխանակում - սովորաբար, սովորողները դժվարանում են կարծիք արտահայտել: Այդ իսկ պատճառով այս մեթոդը առավել արդյունավետ է ուսուցման փուլերում: Կարելի է առաջադրել տարբեր թեմաներ, օրինակ հայկական հեքիաթների արդիականությունը ,առակների և ասացվածքների խրատադաստիարակչական նպատակը, երեխաների իրավունքների միջազգային պաշտպանությունը, բնության և կենդանիների պաշտպանություն և այլն: Այս վարժությունը խթանում է սովորողների հաղորդակցական կարողությունների, ինչպես նաև ստեղծարար ու քննական մտածողության զարգացումը:

Խաղային տեխնոլոգիայի կիրառումը օգնում է լուծել մի շարք կրթական կարիքներ: Խաղային տեխնոլոգիայի կիրառումը բավականին մեծ հնարավորություններ է ստեղծում ուսումնական գործընթացում: Հետաքրքիր են տարբեր թեմաներով խաղ-ներկայացումների, դերային, իրավիճակային խաղերի կազմակերպումը, երբ խմբի անդամներից մի քանիսը, ներգրավված լինելով խաղի մեջ, կատարում են որոշակի դեր, կամ նմանակում են որոշակի իրավիճակներ: «Ես էքսկուրսավար եմ», «Ես մնջախաղի դերասան եմ» , «Ես ուսուցիչ եմ»,

առաջացնում են ոգևորություն, այս դեպքում անկախ կարողություններից և ունակություններից բոլորը ցանկանում են մասնակցել դաս- խաղին: Այստեղ առավել կարևոր են

նախապատրաստական աշխատանքները և ռեֆլեքսիան: Խաղը պետք է մանրակրկիտ նախապատրաստվի, որպեսզի չվերածվի զուտ զվարճանքի կամ Ժամանցի միջոցի: Պետք է հաշվի առնել յուրաքանչյուր թեմայի քննարկման-ներկայացման դիդակտիկ, զարգացնող և դաստիարակող առանձնահատկությունները:

«Հարցազրույց զրոսաշրջիկի հետ» թեմայով խաղը պահանջում է համապատասխան գիտելիքներ՝ այս կամ այն մասնագիտական ոլորտում հաղորդակցվելու համար: Այս խաղի նախապատրաստական աշխատանքները ներառում են հետևյալ կողմերը.

- պարզել խաղի մասնակիցների մասնագիտական կողմնորոշումները, հստակեցնել, թե յուրաքանչյուր մասնակից որ վայրերում կուզենար լինել,
- պարզել յուրաքանչյուր մասնակցի պատկերացումները տվյալ վայրի աշխարհագրական պայմանների վերաբերյալ,
- կատարել համապատասխան առաջադրանք՝ ինքնուրույն տեղեկություններ հավաքել և հարստացնել գիտելիքները տվյալ աշխարհագրական օբյեկտների մասին:

Յուրաքանչյուր խաղի վերջում ուսուցիչը ամփոփում է արդյունքները, տալիս իր գնահատականը,

նշում սխալները և վրիպակները ինչպես նաև առանձնացնում առավել բարձր արդյունք ցուցաբերած մասնակիցներին: Այդպիսով քաղաքակրթության բազմադարյան միտքը ժամանակի և տարածության տարբեր հատվածներում նպատակ է հետապնդել հասարակական, սոցիալ-քաղաքական, տնտեսական և համակեցության մնացած բնագավառներում մարդկության կուտակած գիտելիքներն ու փորձը համակարգել և տիպաբանել, դրանք օգտագործել, որպեսզի հոգան աշակերտների կրթական կարիքները: Քաղաքակրթական փորձի դիտարկման համար էական, եթե ոչ առանցքային գործոն է հանդիսանում տեխնոլոգիական առաջընթացը: Հասարակական քաղաքական զարգացումները, ինչպես նաև դրանց որպիսությունը, բնույթը, զարգացման տեմպերը մեծապես կախված են ժամանակի տեխնոլոգիաներից: Պետք է անպայման նշել, սակայն, որ վերոնշյալ երևույթների միջև գոյություն ունեցող հարաբերակցությունը միակողմանի չէ, որովհետև տեխնոլոգիական

առաջընթացների անխուսափելի անհրաժեշտությունն ուղղակիորեն կապված է հասարակական, տնտեսական, սոցիալ-քաղաքական, կրթական ոլորտներում քանակական և որակական կուտակման արդյունքում ամբարված էներգիայի և ձևավորված պահանջարկի հետ: Երբ մենք բացատրում են մայրցամաքների մասին, պատմում նրանց հայտնագործումն, աշակերտի մոտ առավել ընկալելի է դառնում , երբ սահիկաշարով ցույց ես տալիս մայրցամաքին վերաբերող նյութեր, եթե դպրոցում առկա է էլեկտրոնային գրատախտակ աշխակերտի կրթական կարիքները բավարարելն դառնում է առավել դյուրին: Աշխարհարության դեպքում գլոբուսով, քարտեզներով, այդ թվում թվային քարտեզներով, աշխատելն համարվում է պարտադիր պայման, հետևաբար դրանց առկայությունն պարտադիր է:

3. ԵԶՐԱԿԱՑՈՒԹՅՈՒՆ

Հետազոտելով և ուսումնասիրելով թեման՝ ուսուցչի կողմից երեխաների ուսումնառության ընթացքում նկատված կրթական կարիքների բացահայտումը, եկել եմ այն եզրակացության, որ ուսուցիչը նախևառաջ պետք է պահանջներ դնի իր առջև, հետո մյուս օղակների, քանզի աշակերտը առավել կարիք ունի բանիմաց, գիտելիքներով զինված մանագետի, որն կդառնա աշակերտի համար նոր երևույթների բացահայտման և մեկնաբանման համար լավագույն մարդը:

Մայրենիի առարկայի շրջանակներում, այդ կարիքները կարող են լինել.

1. գունավոր տառաշարերով, բազմաբնույթ և տարատեսակ ուսումնական քարտերով, գունավոր կավիճների օգտագործման եղանակով, մագնիսական կաշուն թվանշանների և տառատեսակների օգտագործում հաստուկ թիթեղյա գրատախտակների վրա, նկար-պատմությունների և հեքիաթների մեծադիր պաստառներով:

2. էլեկտրոնային գրատախտակի առկայությունն 22-րդ դրում արդեն դիտվում է ոչ թե շքեղություն, այլև անհրաժեշտություն՝ հատկապես օգնում է խնդիրներ լուծելիս:

3. Համակարգչային կաբինետն իր հերթին հանդիսանում է կրթական գործընթացի անքակտելի մասը՝ հատկապես սահիկաշարներ ցուցադրելու տեսանկյունից, նաև տարբերկրթական ուսումնական նյութեր նայելու համար:

4. ԿԱՊԿՈՒ աշակերտների համար՝ իբրև ուսուցման միջոցներ օգտագործվում են նախապես համակարգչից դուրս բերած նկարներ՝ թեմային վերաբերվող: Այս աշխակերտները գնահատվում են նաև թեմայի հետ կապված տարաբնույթ նկարներ նկարելով՝ ուստի աշակերտը պետք է ապահովված լինի համապատասխան պարագաներով: ԿԱՊԿՈՒ աշակերտների համար պետք է հատկացվի առանձին զարգացնող խաղերով և հաստուկ ուսումնական նյութերով հագեցված դասասենյակներ: Դպրոցը կամ ուսումնական հաստատությունը պետք է հագեցված լինի հենաշարժողական խնդիրներ ունեցող երեխաների համար թեքահարթակներով, սանհանգույցների որոշ մասը պետք է առանձնացված լինի հաստուկ հարմարեցված զուգարանակոնքերով:

Աշակերտների կրթական կարիքների բացահայտումն ու վերացումն ոչ միայն կնպաստի ուսման որակի բարձրացմանը, այլև դասը աշակերտի համար կդառնա հետաքրքիր և բովանդակալից: Նրանց կրթական մակարդակի ավելացումն ու դասի նկատմամբ շահագրգռվածությունն անխուսափելի կլինի:

ԳՐԱԿԱՆՈՒԹՅՈՒՆ

1. Յու Ամիրջանյան, Ա. Սահակյան <<Մանկավարժություն>>,
- 2.Մ. Մանասյան, Ա. Հովսեփյան <<Աշխարհագրություն 9 >> ուսուցչի ձեռնարկ,
- 3.Ս. Խաչատրյան.- Եր.: Ֆրիդրիխ Էբերտ հիմնադրամ, Ուսուցման արդյունավետ հնարներ Հայաստան 2020 .- 74 էջ:
- 4.Ա. Վ. Պետրովսկի “Տարիքային և մանկավարժական հոգեբանություն”
5. Կրթության առանձնահատուկ պայմանների կարիքի գնահատումը տարածքային մակարդակում: Մեթոդական ուղեցույց : Հանրապետության մանկավարժահոգեբանական աջակցության ծառայությունների կենտրոն , 2018.- 150 չֆ
- 6.Այլ ինտերնետային կայքէջեր: